

## Kapitali 8. PEQQISSAASUTUT SULISINNAATITAANERMUT AKUERSIS-SUTIT

”Peqqissaasut sulisinnaatitaanerat sulinerallu pillugit Inatsisartut peqqussutaanni 30. oktober 1995-imeersup” akuersissuteqarfigineqarneratigut Kalaallit Nunaanni peqqissaasut akuersissuteqarfigineqarnerat 1. januar 1996-imi atuutilersinneqarpoq.

Peqqussut naapertorlugu Kalaallit Nunaanni peqqissaasut immikkoortukkuutaat ilaanni danskit akuersissuteqarnerannut sanilliullugu annertunerusumik pisinnaassusilerneqarput. Tamanna pisariaqarpoq, Kalaallit Nunaannimi nunat immikkoortuini arlalinni namminersorluinnartumik sulianik isumaginnittoqartarmat ilaati-gullu nakorsat suliassaat suliffinni ataasiakkaani akuersissuteqarnikkut suliaqartoqartarmat. Taamaattumik peqqissaasut taamaallaat kalaallit akuersissutaannik pigisaqartut peqqissaasutut kisimik sulisinnaatitaapput. Nunani avannarlerni ataatsimoortumik isumaqatigiissutigineqartut naapertorlugit qinnuteqaateqareernikkut peqqissaasut ilinniarsimasut Kalaallit Nunaanni sulinissamut akuersissutillit atorfinitsinneqarsinnaapput. Tamatuma saniatigut peqqissaasut nunanit allaneersut kalaallit akuersissutaannik pigisaqarsinnaapput, kalaallit ilinniarsimasaat assigalugit ilinniartitaanerat qaffasissusaa eqqarsaatigalugu naapertuuttuusimappat. Piffissamut aalajangersimasumut akuersissuteqartoqarnissaa pisinnaasutut periarfissaavoq, kingulianili naatsorsuutit piffissamut aalajangersimasumut akuersissuteqarnerit ilanngunneqanngillat.

2011-mi nutaamik sulinissamut akuersissutigineqartartut 149-inut ikileriaateqarput ukiup siulianit sanilliutis-sagaanni. 2012-imilu 2011-imut sanilliutissagaanni 20-inik amerleriarsimallutik. Kalaallit Nunaanni peqqissaasut sulisorineqartut 300-rluinnaapput, qinnuteqaatigineqartullu nutaat ima nassuiaaserneqarsin-naapput, atorfeqartut atorfimminni sivirusumik atuuffeqarnerat, siornatigut peqqissaasut amerlasuut sivi-kitsuinnarmik taartaagallartutut sulisarsimagaluartut. Tamanna akissaatiginnerulernermik peqquteqarsin-naavoq, aammali Danmarkimi napparsimmavinni ileqqaarniarnermik peqquteqarsinnaallutik, suliffis-saaleqinerullu Kalaallit Nunaanni atorfinittartut amerlanerulersimanerannik kinguneqaataasimasinnaavoq.

Takussutissiaq 25	Peqqissaasut akuersissuteqarfigineqartut		Taakkunannga Kalaallit Nunaanni ilinniagaqarsimasut	
	Amerlassutsit	Ukiunut tallimanut agguaqatigiissillugit	Amerlassutsit	Ukiunut tallimanut agguaqatigiissillugit
1996 – 2000	367	73,4	36	7,2
2001 – 2005	1.067	213,4	26	5,2
2006 – 2010	1.069	213,8	38	7,6
2011	149		7	
2012	166		3	
Katillugit	2.818		110	